

Shin Chan edo Sinnosuke bost urteko haur japoniar bat da. Bihurria, umoretsua, hiltuna, emakumezalea, gurasoak maiz lotsatan uzten dituen... Ez da azalpen handirik eman behar, ordea; haurrek, gazteek zein helduek ongi baino hobeto ezagutzen baitute Shin Chan txikia.

Shin Chan protagonistatzat duten marrazki bizidunak ETB 1ean ematen hasi direnetik guztiek aipatzen dituzte haur japoniarrak egindako xelebrekeriak. Haur batek baino gehiagok, gainera, eredutzat hartu dute eta hasiak dira dagoeneko Shin Chanek esan eta egiten dituen gauzak errepikatzen. Bere ama eta irakasleari erantzuteko, ez du inolako lotsarik. Galtzak jaisteko ere joera handia du eta ipurdia edonori erakusten dio.

Telebistako fenomeno berria dela ezin daiteke uka. Haurren jarrera dela eta, gurasoak kezkatzen hasiak dira eta zalantzan jarri dituzte Shin Chanen marrazki bizidunak haurrentzako egokiak ote diren. Hala, haur askori marrazki bizidunak ikustea ere debekatzen hasi dira. Baina zer pentsatzen ote dute haurrek horren inguruan?

Shin Chan haurren ahotan

Bost urteko haur japoniarraren bihurrikeriek aldeko zein aurkako iritziak sortzen ari dira



Inkesta

1. Gustatzen al zaizu Shin Chan? Zergatik?
2. Egin dituen bihurrikerietatik zein gustatu zaizu gehien?



Eneritz Cereza
9 urte.
Ondarroa

1. Bihurria delako eta gauza barregarriak egiten dituelako, egunero ikusten dut, eta asko gustatzen zait.
2. Amari makillajea hartu eta betaurrekoak eta bibotea margotu zituenekoa.



Kepa Zelaia
9 urte.
Iruñea

1. Egunero ez dut ikusten, baina asko gustatzen zait, oso barregarria delako.
2. Egiten dituen lotsagabekerien artean «irabazi!» esaten duenekoa, hori da gehien gustatzen zaidana.



badakizu...

Nondik datorkio Amazonas ibaiari izen hori?

1541ean Francisco de Orellana izeneko esploratzaileak ibai handi bat aurkitu zuen Hego Ameriketara. Ibaian behera zihoala, indiar emakumeen tribu batek eraso zion esploratzaileari. Emakume horiei amazonen itxura hartu zien eta horregatik jarri zion aurkitu berri zuen ibaiari Amazonas izena. Amazonak Greziako kondairerako gerlariak ziren.

